



DILECTIS FILIJS DECANO.  
ET CAPITVLO CATHEDRALIS  
ECCLESIAE HISPALENSIS.

24°

ALEXANDER PAPA VIII.



Dilecti Filij, salutem, & Apostolicam  
Benedictionem. Nostra supremum ad  
Ecclesiae Catholicae regimen assump-  
tio, quae vberem vobis, quemadmo-  
dum officiosissimis ad nos datis litte-  
ris testati estis, attulit laetitiaeproven-  
tum, spinas eadem nobis, ac tribulos  
germinat, qui commissa imbecillitati

nostrae difficillimae procurationis amplitudinem perpendentes,  
plane deficiamus: erigit tamen non parum iacentem animum  
miserentis Dei clementia, qui enim nobis, immerentibus licet,  
contulit dignitatem, dexteram quoque suae potentiam infirmis  
humeris nostris suppositurum confidimus, ne grauisimo im-  
pares oneri succumbamus. Ut suffragia in hunc scopum vestra  
continenter intendatis, enixe cupimus, dilecti Filij, quibus pa-  
ratum ad omnes insignis Ecclesiae vestrae rationes iuuandas,  
promouendasque patrocinium vltro nostrum pollicemur,  
atque interim Apostolicam Benedictionem peramanter im-  
pertimur. Datum Romae apud Sanctam Mariam maiorem  
sub annulo Piscatoris die vigesima septima Maij, anno Domini  
millesimo sexcentesimo nonagesimo. Pontificatus nostri anno  
primo.

Marius Spinula.



